

Headline	Disember bulan bayar zakat		
MediaTitle	Utusan Malaysia		
Date	07 Dec 2016	Color	Black/white
Section	Dlm Negeri	Circulation	171,663
Page No	14	Readership	563,000
Language	Malay	ArticleSize	196 cm <sup>2</sup>
Journalist	N/A	AdValue	RM 2,554
Frequency	Daily	PR Value	RM 7,662



# Disember bulan bayar zakat

## SAUDARA PENGARANG,

**ZAKAT** adalah rukun Islam ketiga yang diwajibkan ke atas umat Islam mengikut syarat-syarat serta jenis zakat yang ditetapkan mengikut kemampuan, pendapatan dan simpanan seseorang.

Di negara ini, kita disediakan kemudahan membayar zakat di pusat-pusat zakat yang bukan sahaja mengutip malah mengagihkannya kepada golongan yang layak menerima bantuan.

Uniknya di Malaysia, bulan Disember seolah-olah menjadi bulan rasmi untuk orang ramai membayar zakat, kebiasaannya disebabkan terlupa atau menanggung ke saat akhir.

Disember dijadikan bulan untuk cukup haul tahunan oleh kebanyakan pembayar zakat dan pusat zakat juga mengikut rentak mereka dengan membuka kaunter pembayaran zakat setiap hari sepanjang bulan ini.

Tidak kurang juga yang



**Disember dijadikan bulan untuk cukup haul tahunan oleh kebanyakan pembayar zakat dan pusat zakat juga mengikut rentak mereka dengan membuka kaunter pembayaran zakat setiap hari sepanjang bulan ini."**

mengejar bayaran zakat sebelum masuk tahun baharu bagi melayakkan mereka mendapatkan potongan cukai pendapatan.

Namun, agak menyedihkan tahun ini beberapa institusi Islam termasuk pusat zakat dan Tabung Haji telah diserang golongan liberal termasuk mereka yang digunakan orang bukan Islam sehingga menyebabkan ada umat Islam berhenti atau mengurangkan

jumlah sumbangan.

Kejayaan melunturkan kepercayaan kepada pengurusan pusat zakat menyebabkan sebilangan umat Islam di negara ini memilih untuk membayar zakat secara terus kepada golongan yang dirasakan layak dan memerlukan bantuan.

Apapun cara bayaran zakat, saya harap umat Islam pastikan niatnya betul, syaratnya dipatuhi dan penerima itu benar-benar layak.

Jika tidak, zakat mereka hanya akan menjadi sedekah semata-mata dan zakat yang diwajibkan ke atas diri dikira gagal dipenuhi untuk haul tahun tersebut.

Janganlah kita berlagak terlebih pandai daripada ulama dan ilmuan Islam semata-mata apa yang dibaca di media sosial, gunakan akal supaya kewajipan agama dilaksanakan dengan sebaik mungkin.

**MUHAMMAD FARID ISHAK**  
Kuala Lumpur